




Eindtoets Funderend Onderwijs

2016

Papiamentu 1

Groep 8



Prueba di ortografia, parti 1

Den e siguiente trabou, kada tarea ta konsistí di kuater frase.

Kada bes e pregunta ta: Den kua frase e palabra suprayá no ta bon skirbí?

Tarea 1

- A Ahedres ta un wega bon pa mente.
- B Brasbènt a bira sumamente popular.
- C Mi mama ta bebe un beker di kofi.
- D Na kas nos tin dos lora den kouchi.

Tarea 2

- A Aní su mama a haña flètayer ora el a sali kas.
- B E úniko kos ku e por a hasi ta yama su kasá.
- C Niki tin bèrguensa di papia den hopi hende.
- D Pan ku keda hopi día den trònchi ta kue beskein.

Tarea 3

- A Falsifika diploma ta un delito serio.
- B Mi pintura a sali esun di mas mihó.
- C Naigel su ruman por toka timbal.
- D Zanet a sali promé finalista ayera.

Tarea 4

- A E kuenta di Nanzi i e pòpchi di breu ta gustá.
- B E mionario a duna hende pober tur su sèn.
- C Mainta Danny ta kore dal buèlta rònt di vèlt.
- D Mester freska bakiòu pa e salu sali for di dje.

Tarea 5

- A Den fakansi nos ta bai chapi nos kurá.
- B Rais di e mata a krese bai te pafó aya.
- C Na kasamentu tabatin un bunita batrei.
- D Pa mi duik, semper mi ta bisti mi snòrkel.

Tarea 6

- A Awe nos a siña tokante kanser.
- B Dan su skuter ta kore masha duru.
- C Tur kaminda mi ta bai ku baiskel.
- D Un tiguer ta un animal salvahe.

Tarea 7

- A E señora ku ta bende den e toko ta malu.
- B Fin di aña semper tin hopi fiesta di tambú.
- C Nancy su adrès nobo ta Kaya Gutu 100.
- D Tur diasabra mi ta bai landa ku mi prima.

Tarea 8

- A Malva a kumpra un kashi di glas.
- B Nina ta un mucha masha amabel.
- C Pone mai su skoter den kushina.
- D Zahira no gusta trabou di ofisina.

Tarea 9

- A Den Otrobanda tin hopi restorant.
- B Lara ta papia Ingles masha bunita.
- C Ora bo ta patriótiko, bo ta stima bo pais.
- D Tèrmometer ta sirbi pa midi temperatura.

Tarea 10

- A E ta lucha duru pa e haña un bon punto.
- B Kaya ta drùk durante karnaval.
- C Ora tin baratio, mester probechá.
- D Un mucha ku ta debil mester kome bon.

Prueba di vokabulario, parti 1

Den e siguiente tarea, e pregunta ta: Kua ta un otro palabra pa ...?
Ta trata aki di e palabra suprayá.

Tarea 11

Kua ta un otro palabra pa kisas?

- A mare
- B miéntras
- C pasobra
- D podisé

Tarea 12

Kua ta un otro palabra pa fantasia?

- A imaginashon
- B inspirashon
- C pensamentu
- D pintamentu

Tarea 13

Kua ta un otro palabra pa outorisashon?

- A eskoho
- B òrdu
- C pèrmit
- D regla

Tarea 14

Kua ta un otro palabra pa prueba?

- A ehersisio
- B èksamen
- C práktika
- D proyekto

Den e siguiente tarea, e pregunta ta: Kua palabra ta kuadra mihó ku ...?
Ta trata aki di e palabra suprayá.

Tarea 15

Kua palabra ta kuadra mihó ku diripiente? Algu ku ta pasa ...

- A inesperá.
- B ku frekuensia.
- C pokopoko.
- D un biaha so.

Tarea 16

Kua palabra ta kuadra mihó ku sterilisá? Algu ku ta ...

- A desinfektá.
- B filtrá.
- C implementá.
- D plamá.

Den e siguiente tarea, e pregunta ta: Kiko ta nifiká ...?
Ta trata aki di e palabra suprayá.

Tarea 17

Kiko ta nifiká konservá?

- A kambia algu robes
- B plania algu diferente
- C tene algu meskos
- D tèst algu nobo

Tarea 18

Kiko ta nifiká diskutí? Un ...

- A kòmbersashon kaminda tur hende ta di akuerdo ku otro.
- B kòmbersashon kaminda tur hende ta duna nan opinion.
- C situashon kaminda hende ta kontentu ku otro.
- D situashon kaminda tur hende ta palabrá algu.

Den e sigulente tarea, e pregunta ta: Ku un ... ? Kaba e frase.
Ta trata aki di e palabra suprayá.

Tarea 19

Ku un lup, bo por hasi tur kos ...

- A chikftu.
- B grandi.
- C kòrá.
- D pretu.

Tarea 20

Ku un balansa, bo ta midi ...

- A peso.
- B tempu.
- C bista.
- D largura.

Tarea 21

Ku kuenta, bo por traha ...

- A flèktu.
- B koyar.
- C lensu.
- D streki.

Tarea 22

Ku un tamburein, bo por ...

- A flùit.
- B kore.
- C seka.
- D toka.

Den e siguiente tarea, e pregunta ta: kua palabra ta kuadra mihó na e lugá habrí ...?

Tarea 27

Un líkido konsentrá ta un ...

- A destilashon.
- B ekstrakto.
- C meskla.
- D refinashon.

Tarea 28

Un hende ku ta kambia di lugá di biba kontinuamente ta un ...

- A biahero.
- B eksploradó.
- C konkistadó.
- D nomada.

Den e siguiente tarea, e pregunta ta: Kua ta un otro palabra pa ...?

Ta trata aki di e palabra suprayá.

Tarea 29

Kua ta un otro palabra pa deseá?

- 1 anhelá
- 2 enkantá

- A 1 so ta korekto.
- B 2 so ta korekto.
- C 1 i 2 ta korekto.
- D 1 i 2 ta inkorekto.

Tarea 30

Kua ta un otro palabra pa anual?

- 1 tur siman
- 2 tur luna

- A 1 so ta korekto.
- B 2 so ta korekto.
- C 1 i 2 ta korekto.
- D 1 i 2 ta inkorekto.

Tarea 31

Kua ta un otro palabra pa intenshon?

- 1 plan
- 2 idea

- A 1 so ta korekto.
- B 2 so ta korekto.
- C 1 i 2 ta korekto.
- D 1 i 2 ta inkorekto.

Tarea 32

Kua ta un otro palabra pa resolvé?

- 1 rekonstruí
- 2 solushoná

- A 1 so ta korekto.
- B 2 so ta korekto.
- C 1 i 2 ta korekto.
- D 1 i 2 ta inkorekto.

Paga tinu: Aki bou a bolbe pone e teksto anterior. No mester bòltu e blachi bèk pa lesa e teksto. Bo mester kontestá e preguntanan ku ta sigui.

E promé pos

1 Hopi tempu pasá tabatin un reino rondoná pa un lago. Tempu di sekura fuerte i solo
2 kayente a pone ku e lago a para seka pokopoko. Henter e pueblo a bira nèrvioso, i
3 nan a bai serka e rei. 'Su Mahestat,' un kunukero a bisa: 'áwaseru no a kai masha
4 tempu; te ku tur loke nos a sembra a muri. Pa kolmo, awor ku e lago a seka, nos no
5 por piska tampoko. Nos lo no sobreviví!' Un señora, ku su yunan yorando di set, a
6 bisa: 'Yuda nos, Su Mahestat. Saka nos for di e problema akí, por favor!'

7 Rei a tuma un desishon. El a manda kuater di su generalnan, riba garoshi halá pa
8 kabai, den tur direkshon pa bai buska awa. E promé a bai ost, kaminda solo ta sali. E
9 di dos a bai sùit, kaminda tabata kalor i yen di stòf. E di tres a bai wèst, kaminda solo
10 ta baha, i e último a sigui e strea di nort. Nan kuater a buska di dia i anochi, pariba i
11 pabou, den laira i na suela... sin logra haña awa. Tres di nan a bai kas bèk, man
12 bashí i desanimá. Pero, esun ku a bai nort no ker a laga Rei na kaya i el a sigui
13 buska. E kaminda ku el a sigui a kaba na un seru altu. Kansá, el a kai sinta na pia di
14 e seru. Un señora ku a pasa eibanda a kai sinta banda di dje. E general a hisa un
15 man muestra na horizonte i bisa: 'Mi ta biba den un reino bunita, kaminda awa tin
16 henter un aña sin kai. Bo por yuda mi buska awa?' E señora a bisa e general pa sigui
17 su tras.

18 Nan a subi e seru altu i drenta den un kueba. E señora di: 'Bo sa, aki na mi pais
19 tampoko nos no tin awa. Loke bo ta mira aki, nos ta yama eis. I el a habri man,
20 muestra e klòmpinan di eis kologá tur kaminda den e kueba. 'Kue poko eis i bai bo
21 reino kuné. Lo bo wak ku nunca mas boso lo sufri di set.' E general a kibra un pida
22 eis grandi, pon'é riba su garoshi i kore bai purá. Pero, segun e tabata kore, e pida eis
23 grandi a kuminsá dirti. Ora ku el a yega, ta un pida chikitu só a sobra.

24 Ningun hende den e reino ei no a yega di mira eis. Un di e ministernan a wak e,
25 studi'é, i yega na e konklushon ku e pida eis ei mester ta simia di awa. Tur hende a
26 bai di akuerdo. Rei a duna òrdu pa planta e simia di awa mesora. Miéntas e
27 kunukeronan tabata koba buraku pa planta, solo a dirti e pida eis un poko mas. Ku
28 kuidou, nan a pone loke a sobra di e eis den e buraku. Pero, promé ku nan a tapa e
29 buraku, ya e pida eis a disparsé. E kunukeronan a bira preokupá. Nan a kuminsá
30 koba, koba i koba, buskando e simia misterioso. Komo ku nan no por a hañ'é, nan a
31 sigui koba mas hundu, mas hundu i mas hundu. Ora solo a sali e siguiënte mainta,
32 Rei a bai wak kon a bai ku e plantamentu. El a topa e dos kunukeronan morto na
33 buraku. El a grita: 'Lanta, kunukeronan. Miral E simia di awa a nase. E buraku ta yen
34 di awa.' Asina hende a koba e promé pos.
35

Tarea 33

Lesá: 'Hopi tempu ... muri.' (líña 1 te ku 4)

Kua di e ponensianan akí ta korekto?

- I Hende a piska tur piská den e lago.
- II Solo tabata kima hopi fuerte.

- A Ponensia I so ta korekto.
- B Ponensia II so ta korekto.
- C Ponensia I i II ta korekto.
- D Ponensia I i II ta inkorekto.

Tarea 34

Lesá: 'Hopi tempu ... fabor!' (líña 1 te ku 6)

Dikon tur loke ku a sembra a muri? pasobra ...

- A e kunukero tabata nèrvioso
- B e lago a seka poko poko
- C solo tabata muchu kayente
- D sekura a dura muchu tempu

Tarea 35

Lesá: 'Rei a ... nort.' (líña 7 te ku 10)

Kua tabata e desishon ku Rei a tuma? El a manda ...

- A kuater general bai mondi ku un garoshi halá pa kabai.
- B kuater general den diferente direkshon pa buska awa.
- C un general rònt mundu pa bai buska awa.
- D un grupo di general bai ost, sùit, wèst i nort.

Tarea 36

Lesá: 'Tres di ... dje.' (líña 11 te ku 14)

Dikon e general ku a bai nort sí no a desanimá? pasobra ...

- A e ker a keda sigui fiel na rei
- B e ker a subi e seru altu
- C e señora a sinta banda di dje
- D el a sinta sosegá un tiki

Tarea 37

Lesá: 'Pero, esun ... su tras.' (liña 12 te ku 17)

Na ken/kiko e palabra "su" den liña 17 ta referí? na ...

- A e general
- B e señora
- C e rei
- D esun ku a bai nort

Tarea 38

Lesá: 'Nan a ... sobra.' (liña 18 te ku 23)

Unda e señora a bai ku e general pa buska awa? El a bai kuné ...

- A banda di e reino bunita di e rei.
- B den un kueba riba un serú altu.
- C kaminda nan tabata sufri di set.
- D na un país kaminda tin hopi awa.

Tarea 39

Lesá: 'Ningun hende ... pos.' (liña 24 te ku 35)

Kon hende a yega na e promé pos? Hende a ...

- A koba buraku masha hundu den tera i haña awa.
- B koba pa planta i haña awa den tera.
- C planta un klòmpi di eis, i awa a krese.
- D planta un simia di awa, i e pos a aparesé.

Tarea 40

Kiko ta meta di e teksto akí?

- A duna informashon
- B hasi propaganda
- C instruí lesadó
- D lesa pa plaser

Tarea 41

Kiko ta tópiko di e teksto akí?

- A buska awa
- B planta
- C sekura
- D yuda otro

E teksto akí tin un lugá habrí pa yena kontesta. Lesa e teksto komploto promé, despues skohe i yena e kontesta ku ta kuadra mihó na e lugá habrí.

E bòter mas konosí na mundu

Tin un bòter ku kurva ku a selebrá su di shen aña: di 1915 pa 2015.

Un museo di arte a investigá kon a bini ku e idea pa skohe pa e forma spesial akí ku e bòter tin. Un kos ta sigur, asta den sukú bo por rekonos'é.

Aña pasá nan a tene un eksposishon na Atlanta, Merka, ku tabata yama: *Bòter di Coca Cola, un símbolo merikano*. Ei, bishitantenan por a mira diseño original di e bòter ku nan a traha na 1915, i tambe trabou di e artistanan ku a usa e bòter komo 1.

Esta, loke a yuda nan pa krea nan obra.

A tene e eksposishon na Atlanta, pasobra ta ei e ofisina prinsipal di Coca Cola ta situá.

Direktor di e museo, Julia Forbes, a bisa ku e bòter akí ta fásil pa rekonosé rònt mundu.

A skohe e forma akí, pa distinguí Coca Cola su 2 for di otro marka, ku nan

nòmber tambe ta kaba ku 'Cola', manera Pepsi Cola.

Dia ku e produktornan di Coca Cola a pidi e diseñadónan pa traha un 3 spesial

pa nan, nan a pidi un modèl, ku bo por rekonosé asta den sukú.

A skohe diseño di e kompania 'Root Glass'. E promé bòter akí, ku kurva trahá na 1915,

tambe ta prònk den e museo. Banda di esaki, tin solamente un mas riba henter mundu.

Entre e obranan di arte inspirá pa e forma spesial di e bòter di Coca Cola, tin esnan di

Andy Warhol. Esnan di mas famoso ta dos kuadro, ku djis un bòter di Coca Cola riba

nan. Un di nan ta masha finí i natural pintá, 4.

Den e último sala, tin e potrètnan for di aña 1930 te ku awe. Algun di nan ta

propaganda pa e refresco, i tin algun otro kaminda e marka Coca Cola ta paresé pa

kasualidat.



Tarea 42

Kua palabra ta kuadra mihó na number 1?

- A inspirashon
- B pintura
- C propaganda
- D reakshon

Tarea 43

Kua palabra ta kuadra mihó na number 2?

- A direktor
- B ofisina
- C refresko
- D siudat

Tarea 44

Kua palabra ta kuadra mihó na number 3?

- A bòter
- B etikèt
- C marka
- D sabor

Tarea 45

Kua grupo di palabra ta kuadra mihó na number 4?

- A manera un bòter di Pepsi
- B nèt un pintura di mucha
- C pero e bòter falta su kurva
- D te ku e parse un potrèt